



8


1 me.

















LE L no. 1
F A V X V I S A G E
DESCOVERT DV FIN
Renard de la France.

*Atous Catholiques vnis, & saintement liguez pour la
defence, & tuition del' Eglise Apostolique &
Romaine, contre l'ennemy de Dieu
ouuert & conuert.*

Ensemble quelques Anagrammes
& Sonnets propres pour la
saison du iourd'huy.

————— *Sors ista Tyrannis*
Conuenit, inuideant claris, fortisque trucident.
Claudi in 4. hon. cons.
Par sort il est escheu en partage aux Tyrans.
Porter enuie aux bons, & meurtrir les vaillans.



Pour Iacques de Varangles, rue saint
Iacques contre le College du Plessis.

Auec Permission.

M. D. LXXXIX

THE NEWBERRY
LIBRARY

Anagramme.

DE VALOYS,

OLE IVDAS.

1589^{ey} LE ciel qui veut faire paroistre.
 Que DE VALOYS n'estoit qu'un traistre
 Anagramatizant son nom,
 A fait fort heureusement naistre.
 O le Iudas: donnât cognoistre,
 Que son cœur couue trahison.

PRIERE AV DIEV
 des Chrestiens.

SEIGNEVR, qui m'as domé la force
 De sonner sur mon luth ce vers,
 Permets, qu'il me serue d'amorce
 A faire un coup pour l'univers.

Tyrannicidæ præmium detur.
 Salaire, & recompense à celuy
 qui tura le Tyran.



LE FAVX VISAGE DESCOVERT

du fin Renard de la France.

A tous Catholiques, &c.



N ce temps calamiteux, & deplorable (Chrèstiè & Catholique) auquel il semble que toute lapuissance de Satan soit dechainée avec resolutiō de nous faire courir fortune de nostre sainte religion: l'ay eu en singuliere recommandatiō d'exhorter

vn chacun à ce roidir & tenir ferme contre les assiduels assauls que nous liure l'ennemy commū du genre humain par les heretiques, politiques & autres qui viennent de sa part: & spécialement entre les Chrestiens les plus zelez & vrays Catholiques, qui desirent d'une sainte volonté, la conseruation & propagatiō de l'Eglise, à y mettre la main: voyāt le vaisseau de la pauvre France, esbrālè, par la tourmente & emotiō des flots des heretiquis. Et n'ayant en ce autre but que de rechauffer les plus frois en l'amour de nostre Dieu, & d'un zelo enuers sō Eglise, & entre autres, ceux principalemēt qui sont incapables des saintes Escritures ie me fonderay seulement en raisons faciles & aysees à digerer, bornāt ce petit discours de ce qui est arriué à ces troubles, qui ont piteusement dechiré la pauvre France: at-

tendu que les choses domestiques & q̃ se font chez nous excitent d'auantage noz esprits que les choses foraines & estrangeres. Or dōc, qui est celuy, Chrestiens, qui ne recognoisse que nostre Dieu ayāt compassion de la France, à cause de son ancien zele, & grande ardeur en la religion, voyāt qu'elle se precipitoit en vn gouffre d'erreurs, & abisme d'opinions fantastiques n'aye suscitē ceste illustre maison de Lorraine pieuse & genereuse à la de fence de son S. nom, & ne l'ayt fōdee en ceste region comme vne forteresse bien munie cōtre tous les aguets des ennemis de nostre religion: laquelle maison estant yssue de ce grand Chef d'armes souz l'estendard de Iesus-Christ Charle-maigne, & de ce preux Cheualier Godefroy de Billō, qui partant del'auiers & tāt de victoires heureusemēt rēportees contre l'infidelle s'establit Roy de la Palestine: laquelle di-ie tant de prerogatiues & preeminences dessus les plus apparentes maisons de la France, avec tant de benedictiōs de Dieu, que vous y voyez vne formiliere d'enfans massles, vrayes images de leurs peres, suyuāt la traco de leurs ayeulx, & ne forlignāt pas d'vn petit poīt de leur vertu & grādeur de courage, si adextres aux armes, & si curieux de l'honneur de Dieu, qu'il ne se remarque aucun d'iceux qui ayt esté entachē, oubiē soupçonné de l'heresie: brief si accomplis & embellis de toutes perfections Chrestiennes, qu'ils sont comme vne lampe ardente à toute personne qui veut reformer sa vie dissolue, & cheminer aux erres de Iesus Christ. Et d'autant qu'en icelle nous auōs eu pour protecteur de nostre cause aux premiers troubles, feu Monseigneur-

5
gneur le duc de Guise le pere, lequel pour ses rares
& excellents faicts d'armes sera le premier dessus
les rangs aux choix de tât de princes de ceste race,
qui pour la gloire & l'honneur de Dieu; pour no-
stre saincte religion que nous auons de main en
main des Apostres, & pour la cōseruation du pays,
ont consacré & voué deuotieusement leurs vies: &
qui s'est faiët paroistre entre iceux) cōme la Lune
entre les feux du Ciel) par ses auātageuses proiēs-
ses. Car qui est celuy qui croira qu'un hōme mor-
tel reuestu de chair & d'os puisse auoir pris sur l'en-
nemy de la religion, Calais ville frontiere & mari-
time imprenable, pour la situation & l'artifice des
hommes, deuant mesme que la garnison Angloise
se fust à gñand peine douté d'un liege, & s'en sou-
ciant fort peu, veu qu'ils auoient ce distique latin
ordinaire en la bouche,

Et tunc credibile est cingi obsidione Caletum,

Cum ferrum plumbumue natabit suberis instar.

Il sera vray semblable que Calais on assiege,

Quand le fer & le plomb nagera comme liege.

Et mesme les Roys d'Angleterre s'asseuroient
tant sur les forteresses de colieu, qu'ils disoient que
la clef dela France estoit pendue en leur ceinture.
Mais quoy? ce Prince assisté de la dextre du Dieu
des armées n'a il pas soustenu courageusement le
fort d'un siege le plus violent qui fust oncques de-
dans Mets, où lon tira tant de volees de coups de
canō, & auquel l'on redoubloit des batteries si fu-
rieuses que de vingt deux lieux en Allemagne lon
entēdoit aysemēt le bruit des canōna des: & en fin
la puissāte armee de Charles le Quint Prince d'au-

guste memoire pour la fatigue cōtinue que luy dō
noit ce Prince, se retira camus avec vn fort grād e-
quipage. Nostre Prince ne se contētant d'auoir rē-
porté la victoire voulut faire paroistre vne estin-
cele de sa bonté & misericorde, secourāt ses enn-
mis propres, donnant aux malades & naurez des
chirurgiens, & les inuitant d'vser de toutes cō-
ditez qui estoient en sa puissāce comme remarque
vn fidele Historien Allemā. Mais ce Cesar ne pou-
uant estre terrassé ayant son homme en teste, fut
traistreulement tué au siege d'Orleans par Poltrot
de trois balles empoisonnees, chose qui est ordi-
naire aux heretiques, & de tous leurs alliez d'vser
de poisons & de trahisons, à la persuasiō & sollici-
tation de ce venerable putier de Beze, luy prome-
tant sur la vie & son hōneur le Royaume de Christ,
car pour telles gens il n'ya point de Iesus, Dieu ne
laissant le meurtrier impuny. Pour qui est-ce dy
moy, Chrestié, que ce genereux prince a respandu
son sang? Ton Dieu, ta religiō, la cōseruation de la
couronne, ta vie & la mienne ne sont ce pas autant
de iustes causes: duquel tu dois auoir la mort glo-
riuse, fichee & arrestee deuant tes yeux, pour te
maintenir au zeile de la religion: Quoy? estimes tu
que tu māques d'estroite obligatiō à véger sa mort
& te sacrifier volontairement à nostre Dieu com-
me vne victime, veu que'il y va maintenant de
la manutention de la religion saincte, & de l'hon-
neur de Dieu contre les supposts de Satan les here-
tiques & simulez politiques. Nous ne manquons
pas, Chrestiens, de tels Princes pour nous exciter
à embrasser virilement & courageusement le par-
ty de

ty de nostre Dieu , en nous opposant à l'audace de ceux qui desirēt deraciner & de fouir en ceste terre les fondemens de nostre religion. N'auons nous pas eu Monseigneur le Duc d'Aumalle pere de ces Princes , qui pour le iourd'huy nous seruent d'un Pauois contre les trahisons sanglantes de nostre tyran, lequel voulāt extirper l'heresie mourut pour nostre querelle en vaillant champion? Quoy? as tu perdu la memoire des inhumaines & plus que turquesques cruantez perpetrees en ces desniers iours? Ce Cesar, ce Scipiom, cest espouuentail d'heretiques n'est il pas attaché, comme vn riche tableau au cabinet de ton cœur? Ce prince qui ne respiroit riē, sinon que l'hōneur de Dieu, la cosolation des pauvres Catholiques, l'extirpatiō des heretiques: pour la descharge des subsides , pour nostre sainte religion, & generally pour la reformation de toute la desolee France a esté traistreusement, & pariuement assassiné: Qui ne cognoit à veue d'œil, & touche du bout du doigt, que le puiot de la France, que le plus braue cheualier qui iamais mit pied en etried ne soit par terre? N'est-ce pas celuy qui de sa sculle presence a garenty Paris, la plus florissante ville du monde d'un saccagement vniuersel? N'est-ce pas ce Prince qui retira l'espee nue de la main du soldat du sein des bourgeois d'icelle- N'est-ce pas ce genereux conducteur d'armees qui tant de fois, & si heureusement a terrassé & taillé en pieces l'ennemy de nostre Dieu, & pour toutes recompenses des bons seruices a esté laschement poignardé? Quelle fidelité auras tu à ce Tyran qui a fait daguer celuy qui a maintenu & conserué sa couronne,

contre

contre les orages des Heretiques : mesmes sans aucun respect de la sainte assemblee des estats : ayant perdu toute souuenance des promesses qu'il luy feit, avec les plus grandes execrations qui se puissent dire, en receuant son createur, mesmement en sa chambre, laquelle il disoit, pour finement iouier sa farce, estre vn asyle de seureté & de liberté : brief vn lieu saint & inuiolable. Et quoy? clocherés vous encor, ne vengerés vous point la mort de ce Prince qui a si souuent mis à vau-de-routel'Heretique nostre commun ennemy? Qui sçeut si bien & si dextrement faire paroistre la valeur de ses ieunes ans dans ceste villace de Poitiers. Qui dernièrement accompagné de la celeste puissance fit fondre sur ceste grande armee de Reistres que ce beau ipocrite fourré de malice fist venir vn esclat estincelât de sa foudre? Qui ta preserué ville de Paris, de ces beaux barbouillez, qui esperoient réporter ton or & ton argêt dedàs leurs chariots, selon les belles promesses quel'on leur auoit fait? Ne sçais tu pas que Henry iadis nostre Roy, n'en accosta pas vn : car ils estoient venus pour son seruice, faisant les tours & retours. Et apres qu'ils eurent tout à leur aise rauagé, bruslé & mis tout au fil de l'espee, ne leur donna il pas main forte pour se retirer en assurance, avec defences expresse de n'attenter en aucune façon contre la vie de ces bons hostes de la France? Qui les a mis en pieces, Chrestien, qui leur a fait rebrousser chemin & retrouver leurs premieres erres? N'est-ce pas ton Dieu qui accompagnoit ce valeureux Prince avec sa petite pognee de gens,

de gens: quelle proportion y auoit il des deux armées? Que veux tu d'auantage. Desires tu que le Dieu des Chrestiens laisse son trosne celeste, t'asseur de sa parolle & dise que l'on en veult à ta religion? Il y a ia long temps, à mon grand regret, que tu deusses auoir couru aux armes, pour inquieter la tyrannie, la vie sedentaire & voluptueuse de ce Cheualier de ia iartiere: l'honneur de Dieu ne t'en a il pas samond, le voyant fouler aux pieds & prophane indignement, quand la force s'en est establie au lieu le plus eminent, & au plus haut siege de la pauure France Mais ô bon Dieu, ce ruy n'a il pas passé outre la il borné sa plusque bestiale cruauté de la mort de ce genereux, & tant regreté prince: mais ô execrable entreprise, comme fils aîné de satan non de l'Eglise de nostre Dieu il a ensanglanté ses mains, & assouuy sa rage du sang le plus beau, le plus pur, & le plus esclatant de l'Eglise, en massacrant cruellement ce grand Cardinal de Guise son pere: qui estoit le fondement & la base de ceste tant desolee eglise Gallicane: celui di-ie qui seul sacre les Rois de France, celui qui reçoit en son Abaye de saint Denys les corps des Roys de France: brief celui qui represente en ce royaume la personne du Pape, vicair de Iesus-Christ. Ce prince qui desiroit d'un bon zele la reformation de l'Eglise tant deformee, & qui auoir tant sué & trauaillé pour l'obtenir, a esté massacré de sang froid, à la veue des estatz de la France, & la veille de Noel, ô cruelle cruauté! C'est à vous, messieurs les ecclesiastiques. c'est à vous à

quis'adresse ce paquet: si vostre chef est meurtry, quelle assurance aurez vous en voz personnes? y faict grand iour, leuez vous l'espaisseur des tenebres est dissipé; le nuage est rompu, vostre rolet se ioue, courez aux avirons de l'Eglise, que chacun selon sa puissance s'esuertue de maintenir l'Eglise, roidissez y vous, vostre honneur y est engagé, l'honneur de l'Eglise: bref l'honneur de toute la Chrestienté y court vne hazardeuse fortune. Ne remarquez vo^s pas en cest acte si abominable les premiers traits d'Henry 8. Roy d'Angleterre, quand il mit la main sur le sacré faisant mourir de la main du bourreau ces deux lumieres d'Angleterre, Rossésis Euef que de Rochestre, & ce doct^e Chancelier & excellent personnage Thomas Morus. Il y va du vostre, & qui est bien d'avantage, de la religion de vostre dieu, couchez y vostre reste & soyez d'oresnavant en la bergerie de nostre Dieu, *Nontanquam canes muti valentes non-latrare*, non pas comme chiens muets qui ne peuvent aboyer apres le loup. Donc, messieurs les Ecclesiastiques, en l'honneur de nostre Dieu faictes fondre & esclater la verité sur les oreilles des ennemis de nostre religion, qui la craignent plus que la corde de laquelle il seront quelque iour pendus, consacrant pour icelle, & voyant d'un bon cœur vos propres vies. La saison n'y est elle pas propre? le temps n'y est il pas préparé? bref vostre Dieu qui frappe à la porte de vos consciences ne vous exhorte il pas à la faire soner haut & clair par toute la France? heureux celuy, heureux par trois fois qui pour vne si iuste & si sainte cause espanchera son sang, & mettra sa vie entre les mains